

Vwnh Gyahbauj

CWNGFUJ GUNGHCOZ BAUGAU

— 2005 Nienz 3 Nyied 5 Hauh Youq Gwnz
Hoih Daihcib Gaiq Daengx Guek Yinzminz
Daibyauj Daihhoih Daihsam Baez Veiyi

Gvangjih Minzcuz Cuzbanjse

Vwnh Gyahbauj

CWNGFUJ GUNGHCOZ BAUGAU

— 2005 Nienz 3 Nyied 5 Hauh Youq Gwnz
Hoih Daihcib Gaiq Daengx Guek Yinzminz
Daibyauj Daihhoih Daihsam Baez Vei yi

Gvangsiah Minzcuz Cuzbanjse

MOEGLOEG

DAIHCIB GAIQ DAENGX GUEK YINZMINZ
DAIBYAUJ DAIHHOIH DAIHSAM BAEZ
VEIYI AEN GEZYI GVENDAENGZ 《CWNGFUJ
GUNGHCOZ BAUGAU 》 (1)
(2005 Nienz 3 Nyied 14 Hauh Daihcib
Gaiq Daengx Guek Yinzminz Daibyauj
Daihhoih Daihsam Baez Veiya Doenggvaq)

CWNGFUJ GUNGHCOZ BAUGAU
..... **Gozvuyen cunglij Vwnh Gyahbauj(1)**
— 2005 Nienz 3 Nyied 5 Hauh Youq Gwnz
Hoih Daihcib Gaiq Daengx Guek Yinzminz
Daibyauj Daihhoih Daihsam Baez Veiya

DAIHCIB GAIQ DAENGX GUEK YINZMINZ DAIBYAUJ
DAIHHOIH DAIHSAM BAEZ VEIYI AEN GEZYI
GVENDAENGZ《CWNGFUJ GUNGHCOZ BAUGAU 》

(2005 Nienz 3 Nyied 14 Hauh Daihcib Gaiq Daengx Guek
Yinzminz Daibyauj Daihhoih Daihsam Baez Veiyi Doenggvaq)

Daihcib Gaiq Daengx Guek Yinzminz Daibyauj Daihhoih
Daihsam Baez Veiyi dingqaeu caeuq saemjlnh le aen《Cwngfuj
Gunghcoz Baugau 》Gozvuyen cunglij Vwnh Gyahbauj guh
haenx. Veiyi doiq Gozvuyen gij gunghcoz bi gvaqbae neix byaujsi
habhoz, doengzeiq doiq bineix ginghci sevei fazcanj yinvu caeuq
cwngfuj gak hangh gunghcoz gij cungjdaej anbaiz haenx. Veiyi
gietdingh baecinj aen baugau neix.

Veiyi haucau daengx guek gak cuz yinzminz, youq aen Dangj
Cunghyangh aeu Huz Ginjdauh dungzci guh cungjsuhgi haenx
lingjdauj laj de, yaengxsang mbaw geiz hungmbwk Dwng Siuj-
bingz Lijlun caeuq “Sam Aen Daibyauj ”Cung’yau Swhsiengj,
nyinhcaen gvancez aen Dangj Cibroek Daih caeuq Cibroek Gaiq
Sam Cungh、Seiq Cungh Cenzvei cingsaenz, cienzmienh lozsiz
gohyoz fazcanjvanh, doengzsim doengzdaek, laebdaeb roengz-
rengz, vih doidoengh gensez seveicujyi vuzciz vwnzmingz、cwngci
vwnzmingz、cingsaenz vwnzmingz caeuq gensez aen sevei doxhuz,
sawj gaijgwz hailangh caeuq yendaiva gensez saehnieb yied guh
yied hingz, bae haenqrengz buekguh !

本书根据人民出版社 2005 年 3 月第 1 版北京第 1 次印刷版
本翻译出版。

Bonj saw neix gaengawq aen banjbnj Yinzminz Cuzbanjse
2005 nienz 3 nyied daih'it banj Bwzgingh daih'it baez yaenq haenx
fanhoiz okbanj.

Vwnh Gyahbauj

CWNGFUJ GUNGHCOZ BAUGAU

—— 2005 Nienz 3 Nyied 5 Hauh Youq Gwnz Hoih Daihcib Gai
Daengx Guek Yinzminz Daibyauj Daihhoih Daihsam Baez Veiyi
(Sawcuengh)

Cunghgoz Minzcuz Yijvwnz Fanhyiz Cunghsinh hoiz

Gvangjsih Minzcuz Cuzbanjse okbanj fathengz

Gvangjsih Gih Giveij Yinsazcangj yaenq

2005 nienz 3 nyied daih'it banj

2005 nienz 3 nyied daih'it baez yaenq

Haibonj: 850×1168 hauzmij 1/32 Yaenqcieng: 1.5

Cihsoq: 31 cien Yaenqsoq: 500 cek Dinghgyaq: 3.00 maenz

ISBN 7-5363-4932-7/D • 105

温家宝

政府工作报告

—— 2005 年 3 月 5 日在第十届全国
人民代表大会第三次会议上
(壮文)

中国民族语文翻译中心译
广西民族出版社出版发行

广西区计委印刷厂印刷

2005 年 3 月第 1 版 2005 年 3 月第 1 次印刷

开本: 850×1168 毫米 1/32 印张: 1.5

字数: 31 千 印数: 500 册 定价: 3.00 元

ISBN 7-5363-4932-7/D·105

ISBN 7-5363-4932-7/D·105 定价:3.00 元

ISBN 7-5363-4933-5/D·106 定价:5.00 元

CWNGFUJ GUNGHCOZ BAUGAU

— 2005 Nienz 3 Nyied 5 Hauh Youq Gwnz Hoih Daihcib Gaiq
Daengx Guek Yinzminz Daibyauj Daihhoih Daihsam Baez Vei yi

Gozvuyen cunglij Vwnh Gyahbauj

Gak boux daibyauj:

Seizneix, gou daibyauj Gozvuyen, yiengq daihhoih guh cwngfuj gunghcoz baugau, cingj saemjlnh, caemhcai q cingj Daengx Guek Cwnghez gak boux veijenz daez ok yigen dem.

1. Dauqyawj Gij Hong Bi'gvaq

2004 nienz, daengx guek gak cuz yinzminz youq Cunghgoz Gungcanjdangj lingjdauj baihlaj, yaengx sang mbaw geiz hungmbwk Dwng Siujbingz Lijlun caeuq “Sam Aen Daibyauj” Cung'you Swhsiengj, doxgiet baenaj, laebsim cauhmoq, seveicujyi yendaiva saehnieb aeu ndaej gij cingzcik hungnaek hawj vunz sim'angq.

Bi gvaqbae neix, dou dwg youq wngqdoi q diuhcan moq caeuq gaujniemh moq ndaw de baenaj. Gaenh song bi neix, guek raeuz ginghci yinhhengz ndaw de miz ok mbanj di vwndiz moq, cujyau dwg haeuxgwn gung gouz gvanhaeh bienq gaenj, guding swheanj douzsw h bongqgawh, hobi sindai cuengq daiq vaiq, meiz den youz yinh gaenjieng. Danghnaeuz youzcai h de fazcanj roengzbae, gizbusing vwndiz couh yaek bienqbaenz cenzgizsing vwndiz. Dangj Cunghyangh, Gozvuyen gaengawq hingzsi bienq-

vaq, gibseiz guh ok le gezcwz caeuq baijbouh, gyagiengz hungzgvanh diuzgung, ciuq aen yenzcwz gojdon miz rengz, habseiz habdoh, faenbied doiqdaih, yawjnaek saedyauq, cunghhoz yinh-yungh ginghci, faplwd soujduenh caeuq gij hingzchwng soujduenh noix mbouj ndaej haenx, roengzrengz gaijgez gij vwndiz haenqrem yingjyangj ginghci bingzonj haemq vaiq fazcanj haenx. Ginggvaq daengx guek gwanz laj doengzcaez roengzrengz, hungzgvanh diuzgung ndaej miz chwngzyau yienhda. Ginghci yinhhengz ndaw de gij yinhsu mbouj onjdingh mbouj gengangh haenx ndaej daengz naenxhaed, gij vanzcez buegnyieg ndaej daengz gya-giengz, ginghci mienx deng daih hwnj daih roengz.

Gij cingzcik bi ndeu daeuj cizcungh biujyienh youq; Ginghci baujciz bingzonj haemq vaiq fazcanj, cunghhoz gozliz caenh'itbouh demgiengz; gaijgwz aeu ndaej cincanj youqgaenj, doiq rog hailangh ndaej miz cauhmoq; sevei saehnieb gyavaiq fazcvanj, yinzminz swnghhoz laebdaeb gaij ndei. 2004 nienz, ndaw guek swnghcanj cungjciz daemx 13.65 fanh ik maenz, beij bigonq demmaj 9.5%; caizchwng souhaeuj 2.63 fanh ik maenz, demmaj 21.4%; sevei siuhfeibinj gailingz cungjngeg 5.4 fanh ik maenz, demmaj 13.3%; cincuzgouj mouyiz cungjngeg 1.15 fanh ik Meijyenz, demmaj 35.7%, daj bigonq baiz youq seiqgyaiq daihseiq vih hwnj daengz daihsam vih; hawsingz saen demgya couhnieb 980 fanh vunz, mauhgvaq yawhgeiz muzbyauh; hawsingz gihminz moix vunz bingzyaenz gij souhaeuj ndaej gag ceiyungh de 9422 maenz, lajmbanj gihminz moix vunz bingzyaenz cingh souhaeuj 2936 maenz, gaeucawz gyagwz yinhsu bae, faenbied saed-saeh demmaj 7.7% caeuq 6.8%. Doengh gij cingzcik neix, biu-mingz guek rauz youq gwanz roen cienzmienh gensez siujgangh sevei youhcai q yamq ok yamqdin maenhsaed ndeu.

Bi ndeu daeuj, dou cujyau guh le geij fuengmienh gunghcoz laj neix.

(1) **Yungh gij chwngcwz cosih engqgya cigciep, engqgya daek-**

lig, coicaenh haeuxgwn demcanj caeuq nungzminz demsou. Baez hungzgvanh diuzgung neix, dwg daj gyagiengz nungzyez roengz-fwngz. Cujyau cosih dwg: Gemjmienx nungzyezsui, cawz ok ienmbaw, siu sojmiz nungzyez dwzcanjsui bae, cigciep boujdiep gyoengq nungzminz ndaem haeuxgwn haenx, doiq mbangj dieg nungzminz saedhengz liengzcungj boujdiep caeuq cawx nungzgi h nungzgi boujdiep, doiq cungdenj haeuxgwn binjcungj saedhengz hangh cwngcwz miz gyaq baujdaej soucawx. Doiq nungzyez, lajmbanj daegbied dwg giz dieg cuyau swnghcanj haeuxgwn haenx, daih fukdoh demgya gensez douzhaeuj. Daengx bi cunghyangh caizcwng gij cienz yungh haeuj “sam nungz” bae gungh 2626 ik maenz, demmaj 22.5%. Doengzseiz, doicaenh nungzyez gezgou diuzcwngj, daj lai fuengmienh bae demgya nungzminz souhaeuj. Doengh gij cwngcwz cosih neix ligdoh baenz loet, nungzminz ndaej ndeicawq baenz lai, dwg lai bi daeuj noix miz, gig daih diuhdoengh le gij cizgizsing gyoengq nungzminz. Haeuxgwn swnghcanj bienq ndei youqgaenj, daengx bi haeuxgwn cungjcanj-lieng daemx 46947 fanh dunh, demcanj 3877 fanh dunh. Haeuxgwn demcanj caeuq nungzminz demsou, doiq onjdingh ginghci daengxbuenz miz cozyung youqgaenj dangqmaz.

(2) **Mbouj hawj guding swhcanj douzsw h demmaj daiq vaiq, haenqrengz gyagiengz doengh aen vanzcez buegnyieg.** Cujyau dwg dawzrem saemjbae diegdeih caeuq cuengq sindai song aen doucab, mbouj hawj douzsw h sihgiuz hoengh gvaqbouh, naenxhaed mbangj hangznieb luenh douzsw h caeuq guh gij gensez cungzfuk suijbingz daemq. Haeujlaeg cwngjdun caeuq gveihfan diegdeih hawciengz cizsi, cienzmienh cingleix gak cungj gaihfazgih; camhdingz buenq bi, mbouj saemjbae dawz nungzyez yungh dieg gajibaenz gizyawz gensez yungh dieg; dingh ok le «Aen Gietdingh Gvendaengz Gyalaeg Gaijgwz Yiemzgek Diegdeih Guenjleix»; laeb caezcienz gozduj swhyenz guenjleix dijci. Daezsang sanghyez ngaenzhangz cunzgvanej cunjbeiginh bijliz, diuz sang ginhyungz

gihgou cunzgvanj daigvanj gihcunj liliz, daigvanj liliz mbouj caiq fungdingj, gyagiengz sanghyez ngaenzhangz swhbwnj cunghcuzliz guenjeleix; daezsang gangdiet、suijniz、dengaijlij、fangzdicanj daengj hangznieb gensez hanghmoeg swhbwnjginh beijlaeh. Ciuq fap cingleix gij hanghmoeg cingqcaih hwnqguh roxnaeuz dajsuenq hwnqguh. Daengx bi daengx sevei guding swhcanj douzsw h demmaj 25.8%, demmaj fukdoh beij daih'it gidu doekdaemq 17.2 aen bakfaendiemj. Hobi sindai demmaj fukdoh mingzyenj bienq iq.

Yawjnaek gezgou diuzcwnj, lai douzsw h haeuj nungzyez、suijli、nwnngzyenz、gyauhdungh、vanzbauj caeuq sevei saehnieb bae. Diuz gvanjdau dawz gij denhyenzgi baihsae soengq daengz baihdoeng, gungh 4000 goengleix raez, gaenq cienzsienq ciepdoeng caemhcaiq yungh haeuj sanghyez yinyingz; Sanhyaz Gunghcwngz、den baihsae soengq bae baihdoeng、Cingh—Cang Dietloh、raemx baihnanz diuh bae baihbaek daengj gensez hungnaek aeu ndaej cincanj moq. Daengx bi lai demgya meizdan swng hcanj naengzlig 1.2 ik dunh, saen demgya fazden canghghiyungzlieng 5055 fanh cenhvaj, dietloh sienqmoq douzcanj 1433 goengleix, lai demgya goengloh doeng ci lijcwngz 4.6 fanh goengleix.

Sihbu daih haifat laebdaeb doicaenh baenaj, saen haigoeng 10 hangh guekgya cungdenj gunghcwngz, cungj douzsw h 800 ik maenz. Dunghbwz digih daengj lauj gunghyez gihdi saenqhwnghaibuenz ndaej ndei, guekgya cihciz haidoengh le 197 aen diuzcwnj gajcauh hanghmoeg, 15 aen dieg loemq vat meiz ceihleix gunghcwngz gaenq hainduj gensez.

Gyagiengz ginghci yinhhengz diuzcez, hoizsoeng meiz den youz yinh gaenjcieng canggvang. Daj demgya gunghawj、naenxhaed gij sihgiuz mbouj hableix、hezdiuz gung gouz gvanhaeh daengj fuengmienh yungh cosih daeklig, baujjang le ginghci sevei fazcanj caeuq yinzminz swng hhoz sihyau.

(3) **Mbouj saet seizgei, doicaenh ginghci dijci gaijgwz, gya-daih doiq rog hailangh.** Gyalaeg haeuxgwn riuzdoeng dijci gaijgwz, cienzmienh hailangh aen hawciengz soucawx haeuxgwn. Lajmbanj suifei gaijgwz, haeuj daengz duenh moq cugbough mienx nab nungzyezsui. Guekmiz giyez gaijgwz aeu ndaej cincanj moq, guekmiz swhcanj guenjleix dijci gvanghgya cobouh laeb baenz. Guekmiz sanghyez ngaenzhangz gujfwnci gaijgwz guh ndaej swnh. Lajmbanj sinyungse gaijgwz gyadaih daengz 29 aen sengj (swcigih, cizyazsi). Ceiqdingh caemhcai q saedhengz douzswh dijci gaijgwz fangh'an. Cienzmienh lozsiz cuzgouj dui sui gaijgwz cosih, guh daengz le soq gaeuq dienz caez, soq moq mbouj yiemq. Youq Dunghbwz lauj gunghyiez gihdi, guh le cwnghcizsui conjhingz gaijgwz sawqdiemj. Haeujlaeg cwngjdun caeuq gveihfan hawciengz cizsi, gyagiengz sizbinj, yozbinj ancienz gamguenj, lai roengzrengz baujhoh cihsiz canjgenz. Genhgez dwkceih doengh gij famhfap famhcoih hozdung cauhguh siugai sanghbinj gyaj yaez mauhbaiz, ndaep sui muenz sui caeuq soujswh.

Dou ciuqhengz gij wngqcingz mwh gyahaeuj Simou Cujciz, laebdaeb dawz daemq gvanhsui, gya'gvangq gij lingjyiz hailangh, gvancez aen doiq rog mouyiz faz gaenq coihgaij gvaq haenx, cienzmienh cuengqlangh vaimou ginghyingzgenz. Saedheng aen canloz "byaij okbae", caeuqfaenh guh gihiyiz ginghci hozcoz. Neidi caeuq Yanghgangj, Aumwnz engq gaenjmaed ginghmou gvanhaeh anbaiz guh ndaej swnh. Daengx bi saedsaeh ndaej yungh gij cigciep douzswh gyoengq cangh seng'eiq rog guek 606 ik Meijyenz.

(4) **Gyadaih cwngcwz cihciz caeuq caizcwng douzhaeuj, coi-caenh gak hangh sevei saehnieb fazcanj.** Gak gaep cwngfuj lai roengzrengz cihciz gohgi, gyauyuz, vwnzva, veiswng, diyyuz saehnieb, cunghyangh caizcwng youq doengh fuengmienh neix yungh cienz 987 ik maenz, yungh bae gozcai swhginh 147 ik maenz.

Guekgya cauhmoq dijhi, gihcuj yenzgiu, gohgi gihcuj sezsih gensez caeuq gihcwngz gohgi gunghcoz caenh'itbough gyagiengz. Buek gohgi hanghmoeg hungnaek ndeu caeuq gauhsinh gisuz canjyezva aeu ndaej cincanj moq. Hopheux ceiqdingh guekgya cungciengzgeiz gohyoz caeuq gisuz fazcanj gveihva, kujciz 2000 lai boux conhyah doiq mbanj canloz vwndiz guh yenzgiu luncwng.

Lingh it lwnz gyauyuz saenqhwngh hengzdoengh giva cincanj swnhleih. Sihbu digih "song aen gihbwnj" gunghgenh giva hai-daeuz bae guh. Lai cihciz dieg gungzhoj lajmbanj yivu gyauyuz, laebdaeb gaijcauh gij ranzvaih cunghsiujyoz lajmbanj. Hawj Cunghsihbu digih lajmbanj yivu gyauyuz gaihdon 2400 lai fanh boux hagseng ndawranz gungzhoj haenx mienx gyau cienz saw. Cizyez gyauyuz fazcanj gyavaiq. Gauhdwngj gyauyuz yawjnaek daezsang cizlieng. Gauhyau aen dijhi bangcoh gij hagseng ndawranz gungzhoj haenx caenh'itbough laeb caezcienz.

Aeu gensez daengx guek cizbing yawhfuengz gaemhanh dijhi caeuq duzfaz gunghgung veiswnggh saehgienh yihliuz gouqyw dijhi guh cungdenj, gyavaiq gunghgung veiswnggh saehnieb fazcanj. 1410 aen yienh gaep caeuq 250 aen sengj, si (di) gaep cizbing yawhfuengz gaemhanh cungsim gihbwnj laebbaenz, 290 aen gaenjgip banggouq cungsim doxriengz haigoeng. Gyagiengq fuengzyw bingh hung bingh naek. Yawjnaek lajmbanj veiswnggh sezsih gensez, onjbouh bae guh lajmbanj hozcoz yihliuz cidu yienghmoq sawqdiemj. Yungh gojdon cosih, gibseiz funggimq gauhcibingsing ginzliuzganj, mbouj hawj de banhlah.

Doicaenh vwnzva dijci gaijgwz caeuq vwnzva saehnieb fazcanj, gyagiengz guenjieix vwnzva hawciengz. Cunghyangh caizcwng anbaiz cienhangh swhginh cihciz 533 aen yienh gaep duzsuhgvanj, vwnzva'gvanej caeuq 4 fanh aen mbanj gvangjbo densi sezsih gensez. Gyagiengz gensez guekgya vwnzva hanghmoeg hungnaek caeuq baujhoh gij dieg swyenz lizsij vwnzva yizcanj. Doiq rog vwnzva gyauhliuz engqgya hozyoz. Ginzcungsing diyyuz

hozdung gauj ndaej hoenghhwd. Gyoengq yindung'yenz guek raeuz youq gwnz Daih 28 Gaiq Auyinvei, Daih 12 Gaiq Vunz Canzciz Auyinvei aeu ndaej cingzcik gig ndei.

Gyagiengz gozduj swhyenz, vanzging baujhoh caeuq swngh-dai gensez gunghcoz. Lai roengzrengz bae baujhoh reihnaz. Cungdenj liuzyiz caeuq gihyiz uqlah fuengzceih caiq miz cincanj. Lajmbanj giva swngnyuz gunghcoz damqra guhfap moq, caemh-caiq ndaej miz cizgiz cwngzgoj.

(5) **Roengzrengz gaijndei yinzminz swnghhoz, yawjnaek gaijgez gij vwndiz youqgaenj nangq daengz leih'ik nemndang ginzchung haenx.** Caenh'itbouh lozsiz gak hangh cwngcwz cosih, coicaenh counieb caeuq dauqcungz counieb. Laebdaeb guh ndei gij hong “song aen gozbauj” caeuq hawsingz “dihbauj”. Daj 2004 nienz 7 nyied 1 hauh hwnj, daengx guek daezsang giyez duiyouh yinzyenz gihbwnj yangjlaujginh byauhcnj. Haujlai deihfueg habseiz daezsang “dihbauj” byauhcnj. Guh ndei hawsingz sevei bauj-cang dijhi sawqdiemj gunghcoz laebdaeb doi baenaj. Cunghyangh caizcwng daengx bi ok cienz 1465 ik maenz, yungh haeuj sevei bauj-cang bae, demmaj 18.1%.

Roengzrengz bae guh gij hong fuzbinz, cunghyangh caizcwng anbaiz fuzbinz swghinh 122 ik maenz, gij vunz gungzhoj lajmbanj noix gvaq bigonq 290 fanh. Bi'gvaq, mbangj dieg fat-seng swyenz caihaih youqgaenj, gak gaep cwngfuj gibseiz guh ndei gij hong dingj cai, gouq cai caeuq deng cai gvaqlaeng dauqcungz gensez, gyoeb-suenq hawjdaej, gungh banggouq bouxdengcai 6800 fanh vunz (baez).

Youq lajmbanj cwng dieg, hawsingz cek ranz senj ranz caeuq giyez gaijci ndaw de, ciuq fap gaijgez doengh gij vwndiz sienghaih leih'ik ginzchung. Gij cienz cwng dieg yiemq nungzminz haenx gaenq gihbwnj boiz caez. Cienzmienh cingleix gencuz lingjyiz yiemq cienz gunghcwngz caeuq yiemq gij gunghsw h gyoengq nungzminz haeuj singz guh hong haenx, gaenq boiz gij gunghsw h

deng yiemq lai bi haenx 332 ik maenz. Henhhoh gij gienzik hab-fap yinzminz ginzchung, baenz cwngfuj gunghcoz ndaw de hangh hong engq youqgaenj ndeu.

(6) **Gyagiengz minzcuj fazci gensez, caenh rengz henhoh sevei onjdingh.** Cizgiz doicaenh gihcwngz minzcuj gensez, caenh'itbouh laeb caezcienz gij cidu saehmbanj goenghai caeuq vunzmbanj gag guenj, laebdaeb guh ndei hawsingz segih gihminz gag guenj caeuq gihcwngz guenjeix dijci. Gig yawjnaek cwngfuj fazci gunghcoz. Gozvuyen dingh ok le «Cienzmienh Doicaenh Ciuq fap Hingzchwng Saedhengz Ganghyau», mingzdingh le aen muzbyauh caeuq yinvu gensez fazci cwngfuj; daez ok le «Gunghswh Faz», «Binghlah Fuengzyw Faz»coihgajj caujan caeuq «Gunghvuyenz Faz» caujan daengj 7 bouh faplwd yian, ceiqdingh le 32 gienh hingzchwng fap-gvi. Gak gaep cwngfuj nyinhcaen saedhengz «Hingzchwng Hijgoj Faz», siu bae caeuq diuzcwngj le daih buek hingzchwng saemjbae hanghmoeg. Gyagiengz cizfaz gamduk, saemjgeiq, genhcaz daengj bumwnz guh le haujlai gunghcoz gig miz cwngzyau. Dou cujciz ceiqdingh le guekgya duzfaz gunghgung saehgienh cungjdij wngqgip yian, caeuq wngqdoiq swyenz caihaih, saehhux cainanh,gunghgung veiswngh dem sevei ancienz daengj fuengmienh 105 aen cienhangh caeuq bumwnz wngqgip yian; gak sengj (gih, si) hix guhbaenz le gij hong bienguh sengj gaep cungjdij wngqgip yian. Gensez fazci cwngfuj, cienzmienh bae hengz cwngfuj ciz-nwngz, ndaej miz duzboosing cincanj.

Aeu gajgez gij vwndiz sienghaih leih'ik ginzchung youqgaenj haenx guh cungdenj, haeujlaeg gaihcanj lenzchwng gensez caeuq gij doucwnggh fanj nduknaeuh. Gyagiengz sevei cianh cunghhoz ceihleix, doicaenh cianh yawhfuengz gaemhanh dijhi gensez. Ciuq fap yiemzhaenq dwkceih gak cungj hingzsw famhcoih hoz-dung, cobouh naenxroengz le aen seiqdaeuz hingzsw anqgienh youqgaenj demlai. Gyagiengz caeuq gajj ndei sinfangj gunghcoz, cizgiz siucawz gak cungj mauzdun.

Minzczuz, cunghgyau, gyauzvu gunghcoz caenh'itbouh gyangiengz. Gozfangz caeuq ginhdui yendaiva gensez aeu ndaej cincanj moq. Vaigyauh gunghcoz cauh ok gizmen moq, gij gozci diegvih guek raeuz caenh'itbouh daezsang.

Bi ndeu daeuj gak fuengmienh gij cingzcih yienhda baenzneix, dwg baengh aen Dangj Cunghyangh aeu Huz Ginjdauh dungzci guh cungjsuhgi haenx doengjlamx daengxbuenz, cwnggoz lingjdauj cij aeu ndaej, dwg baengh daengx guek gak cuz yinzminz caezsim buekguh cij aeu ndaej, gak deihfueng gak bu-mwnz guh le haujlai gunghcoz ganhoj saeqnaeh, sevei gak gyaiq, gak aen fuengmienh guh ok le gung'yen hungnaek. Gou daibyauj Gozvuyen, caensim docih daengx guek gunghyinz, nungzminz, cihsiz fwswj caeuq ganbu ! Caensim docih gyoengq vunz guh hong seveicujyi caeuq gensez seveicujyi saehnieb ! Caensim docih gaijfangginh cijcanyenz, vujgingj budui guen bing caeuq gungh'anh minzgingj ! Caensim docih daengx guek gak cuz yinzminz, gak minzczuj dangjbai, gak yinzminz donzdij caeuq gak gyaiq yinzsw saenqnyaemh caeuq cihciz cwngfuj gunghcoz ! Caensim docih gyoengq beixnuengx Yanghgangj Daegbied Hingzcwnggih, Aumwnz Daegbied Hingzcwnggih caeuq gyoengq beixnuengx Daizvanh nem daengxcungq beixnuengx Vazgyauz gvan-sim, cihciz guekcoj gensez caeuq dungjyiz haenx ! Caensim docih gak guek sojmiz gij baengzyoux gvansim caeuq cihciz Cungguek yendaiva gensez haenx !

Bi gvaqbae neix, dou mboujdan yamq hung doicaenh gak hangh saehnieb, caiqlij youq ndaw sizcen lairaeuh daezsang le swhsiengj yinsiz. Gak gaep cwngfuj engqgya gagrox bae gvancez cunghyangh gezcwz caeuq baijbouh, engqgya roxyiuj caeuq miz naengzlig bae yungh ndei aen canloz seizgei youqgaenj, engq ndei bae doidoengh fazcanj. Gij dijvei dou cujyau dwg:

— Itdingh aeu genhciz laeb hwnj caeuq lozsiz gohyoz fazcanjgvanh. Gohyoz fazcanjgvanh dwg Cunghgoz Gungcanjdangj

doiq seveicujyi yendaiva gensez cijdauj swhsiengj gij fazcanj moq de. De caenh'itbouh mingzgoz le fazcanj dwg aen dauhleix ndongj, aeu yungh ginghci gensez guh cungsim, yawjnaek daezsang ginghci demmaj cizlieng caeuq yauyiz; aeu yienghyiengh cungj vih bouxvunz, yawjnaek "haj aen dungjcouz", saedyienh ginghci sevei cienzmienh doxdaengh ndaej lienzdaemh fazcanj. Mboujlwnh dwg gajgez gij mauzdun caeuq vwndiz youqgaenj ndaw ginghci yinhhengz seizneix, roxnaeuz dwg cienzmienh gensez siujganhg sevei, cungj itdingh aeu yungh gohyoz fazcanjgvanh guh cijdauj. Aeu dawz gohyoz fazcanjgvanh gvancez daengz gajgwz hailangh caeuq yendaiva gensez daengx aen go-cwngz bae.

— Itdingh aeu genhciz gyagiengz caeuq gaj ndei hungzgvanh diuzgung. Gij hungzgvanh diuzgung gaenh song bi daeuj, dwg gij sizcen youqgaenj nyinhcaen lozsiz gohyoz fazcanjgvanh. Hungzgvanh diuzgung caeuq hawciengz gihci, cungj dwg seveicujyi hawciengz ginghci dijci doengh aen gapbaenz bouhfaenh lienzhaeh gaenjmaed dungjyiz de. Aeu engq daih cingzdoh bae fazveih hawciengz youq ndaw swwhyenz boiqcawq gij gihcujsing cozyung de, doengzseiz aeu gauj ndei hungzgvanh diuzgung. Gvanhgen dwg aeu gaengawq ginghci yinhhengz bienqvaq, dawz ndei diuzgung fueng'yiengq, cungdenj, seizgei caeuq naekmbaeu, gaj ndei diuzgung fuengsik fuengfap, cujyau yungh ginghci, fap-lwd soujduenh, cix aeu gij hingzcwng soujduenh noix mbouj ndaej haenx bae bangbouj, coicaenh ginghci bingzonj yinhhengz caeuq lienzdaemh haemq vaiq fazcanj.

— Itdingh aeu genhciz doicaenh gajgwz hailangh. Guek raeuz ginghci dijci gajgwz vanzlij cawqyouq duenh haeb ndok genq de. Aeu giendingh mbouj bienq bae gyalaeq gajgwz, siucawz gij goekrag dijcsing gazngaih ginghci fazcanj caeuq cauhbaenz ginghci mbouj onjdingh haenx, vih saedyienh ginghci sevei cienzmienh doxdaengh ndaej lienzdaemh fazcanj daezhawj cidu